

NOK 10,-



Nordlenskatedralen Alta kirke
Guovssahaskatedrala Álttá girku
Vihahuvvon 2013

oanehis presentašuvdna

Nordlyskatedralen Alta kirke/Guovssahaskatedrala Álttá girku Bisma Per Oskar Kjølaas vihahii girku guovvamánu 10. b. 2013. Kruvdnoprinseassa Mette-Marit oassálasttii, ja suinna maiddái girkoministár Rigmor Aasrud, fylkamánni Gunnar Kjønøy, Álttá sátnejodiheddji Laila Davidsen ja dievva girku. Nordlys barnegospel/Guovssahas mánnákoarra ja Alta motettkor/Álttá joatkkaskuvlla musihkkalinjá oasálastte.

Ođđa visti lea betonja-ráhkkanus, ja sullii 40000 titan-pláhta leat vistti olgguldadas. Girkus lea alit lasur-mála áltárseainnis, ja dat dahká ahte Kristusfiguvra lea hui oidnosis ja šaddá lanja oaiveduodjin. Seainnit leat ránes betonjas, láhtti lea háikabirccuin ráhkaduvvon ja maiddái stuoluin lea háikamuorra ávnnasiin. Seinniin leat 800 mehtera ceahkkonjulges listtat maid duohken leat LED-čuovggat. Das bohtá liegga ja buorre čuovga, ja čuovgalisttat addet buorri dovddu ja buori akustihka latnjjii. Girkus leat 350 čohkkánsaji; ja go searvegottelatnja vel lea geavahusas, de leat sullii 500 saji.

Arkiteakta lea Kolbjørn Jenssen Stavanger Link Arkitektur fitnodagas. Son lea hábmen girku ovttasdánkalaš fitnodagain Schmidt Hammer Lassen Architects, Århusas, Danmárkkus.

Vuođđogeadgi Dalá sátnejodiheddji Eva Nielsen ja dalá suohkkanbáhppa Olav Øygard bijaiga vuođđogeadggi ođđajagiruoha 1999, seammás go Álttá šattai gávpogin –

Guovssahasgávpogin. Dán vuođđogeadggi šadde sirdit go girku oaččui ođđa huksensaji vázzingáhta oarjjageažis. Borgemánu 18. b. 2012 bijaiga fas dalá proavás Olav Øygard ja Monica Nielsen, (Eva Nielsena nieida ja iešge bohtti sátnejodiheddji) vuođđogeadggi ođđasit. Dan bálđii biddjui vel ođđa vuođđogeadggi, mii sisttisdoallá áigeguovdilis dieđuid. Sátnejodiheddji Laila Davidsen oktan bismmain Per Oskar Kjølaasiin bijaiga dán vuođđogeadggi. Vuođđogeadggiid sadji



lea girkošaldis. Daid siste leat Biibbal, Sálbmagirji, sámegeiel Ođđa Testamenta, searvegoddebláđđi ja áviissat, ruđat jagiin 1999 ja 2012, girku sárgosat ja gollomeroštallamat, govat ja eará dieđut.

Davvi-Hålogalanda bismmagoddi mearridii 11. b. cuoŋománu 2012 girku namma galgá leat *Nordlyskatedralen Alta kirke/ Guovssahaskatedrala Álttá girku*. Juo 1999, go Áltá dieđihii iežas guovssahasgávpogin, namma guovssahaskatedrala šattai girkuprošeavtta bargonamman. Almmatge golle mánja jagi ovdal go namma dohkkehuvvui (almmolaččat).

Guovssahaskatedrála lea sullii 16000 olbmui soahkangirku, ja dan lagašbirrasis ášset sullii 9000 olbmo.

Sajádat Nordlyskatedralen Alta kirke/ Guovssahaskatedrála Álttá girku lea guovddážis ja vázzingáhta geahči nohká girku guvlui oarjjágeažis.

Viessobiergasat: Dánskalaš dáiddár Peter Brandes lea činahan girku. Kristusfiguvra lea bronsas leikeyuvvon. Dat lea bronsavuođu ja allodat lea 4,5 m. Oktain vuođuin lea deaddu sullii 2000 kg. Kristus lea dego russiinávlejuvvon, muhto son maddái čuožžu buressivdnideaddji ja salasteaddji gieđaiguin.



Seammás, dan bottus go son attii vuoiņas, de son jorgala muođuides bajás Ipmila guvlui. Kristus giitá go son lea eahcálaš sutnje guhte lea su válljen. Dan dihtii son geahčasta bajás guvlui – ii ge vulos, ii ge son sojaldaste oaivvi, son baicce loaiddasta ovdan dego beasin ja vuotin go son buktá čuovgga ja doaivvu. Figuvra lea patinerejuvvon ja danne lea sevdnjes ivdni vuolil ja šaddá čuovgadiid ja čuovgadiid ja lea eambbo ahte eambbo gollehuvvon bajil. Badjin son vuostáiváldá čuovgga Ipmilis, nu ahte čuovga báitá ja šearlgu searvegotti badjel.



Gástajuolgi lea marmorstukkatur bargu. Das leat 32 iešguđetlágan alitivnni, dan siste lea gástalihtti čielga láses. Gástalihti botnis lea betlehema-násti ja golleguolli. Lihti ravddas leat fiinna sázut dego duvvádolggit mat govvidit Bassi Vuoiņa, golbmaoktasaš Ipmila Bealušteaddji.

Doardnalanjas lea 7,5 m guhkkosaš gollehuvvon «Jakobráidas». Doardnalanjas lea maid čuovgaglobe. Dás lea maddái vejolaš čohkánit jaskatvuodas, cahkkehit gintala ja rohkadallat. Doartna čađa boahit girku sisa. **Áltár** lea dahkon fiberbetonņas ja skođastuvvon marmorstukkaturas. Ovdabealde gollemosaikka činaha ravdda dego vuotugierdun.





Sárdnestuollu lea meissegis ja marmorstukkaturas. Ovddabealde leat dan njealji evangelistta govastagat. Doartna seainnis áltára guvlui leat 12 gollevuodjudusa (relieffa), okta motiiva juohke máhttájeaddji nammii. Symbolat leat álkidahttojuvvon nu ahte leat measta ikonográfalaš mearkkat. Govva čájeha bealji, ja dat muittuha ahte Peter čuohepai eret bealji bajimušbáhpa bálvvás.

Čuovgadoardna lea girkodoartna kopijija. Per Buvik lea dan sárgun, ja Álttáfitnodat Jens Jensen AS lea dan dahkan. Ipmilbálvalusáigge lea das čuovga, maiddá gástačuovga cahkkehuvvo ja biddjojuvvo eará rohkosčuovggaid báldii.



Urgguin leat 29 jiena ja 1802 bohci. *Grönlund orgelbyggeri Luleås lea doaimmahan dan. Urgguid lea Alta kraftlag addán, ja dat vihahuvvui pálbmasotnabeaivve 2014.* Stuorra ja čáppa Steinway-flygel lea skeaŋka maid Sparebankstiftelsen/Seastinbáŋkulágádus skenjkii.



Guokte girkobiellu. Nuppi billui leat čállojuvvon Álttá searvegotti dovddáldatsánit: *Lahka Ipmila – lahka olbmuid. Mii dáhttut: leat árvasat – čájehit beroštumi – buktit doaivvu.* Nuppi billui lea čállojuvvon: *Ipmil ráfi váriide ja duoddariidda, bohtos šaddu gos mii hukset ja ássat,* Trygve Hoff “Davvinorgga juovlasálmma” vuodul. Olsen Nauen klokkestøperi, Tønsbergas lea leiken bielluid, ja Sparebank1 Nord-Norge/Seastinbáŋku1 Davvi-Norggas lea skenken dáid.



Girkosilbbaid lea Sunniva Juhls hábmen, ja Juhls Silver Gallery Guovdageainnus lea dahkan daid. Silbbat leat disk/patén, Áltárliehtti, kálka ja vel smávva kálkka mat adnojit intinkšuvdnii (go áltárguossi ieš buotnju láibbi viinnis) ja vel 60 sierrakálkka. Girkosilbba ávnnas lea 925S ja činjahuvvon gollemosaikkain. Girkosilbbat vihahuvvojedje ja váldojedje atnui vuosttaš have vihttajagi ávvoipmilbálvalusa oktavuodas guovvamánu 2018.

Boreal Adventure: +47 975 78 776 / +47 784 45 050 / booking.adventure@boreal.no

www.kirken.no/alta

© Alta menighet/Álttá searvegoddi, 2022